

奇門精粹

奇門遁甲 八門吉凶時尅應斷

開門欲得臨照來奴婢牛羊百日通財寶進時地戶入興隆宅富有資財田園招得商客送已國丑

年絕戶來開門臨九宮金尅木也 治政

私人開門臨九宮金尅木也

開門臨九宮金尅木也

古今圖書集成

休門最好足錢財牛馬猪羊自送來外口婚姻兩上應進官職位坐京臺定進羽音人產業居家安

穩永無災 休門宜修造進取並有所合出五十里見蛇鼠水物吉 休門宜和集萬事 休

門與丁奇臨太陰得星精所蔽爲人遁百事吉 休門臨九宮水尅火也凶

生門臨土星辰人旺華姓每稱情子丑年中三七日黃衣捧笏到門庭靈線繫兩臂足朱紫兒

孫守帝廷兩上商音田地進子孫祿位至公卿 休門出行六十里見貴人車馬吉 生門宜見

奇 门 精 粹 之四

学术期刊出版社出版

中国气功文献汝州发行社代发行

河南省汝州市印刷厂印刷

1989年3月第1版 1989年3月第1次印刷

印数 1—5000

ISBN 7-80045-198-4/R·33

每套六本 定价：69.00元

《奇门精粹》编辑说明

奇门一术自古为兵家必修之课。我国历代著名军事家、政治家如张良、诸葛亮、刘伯温皆善此术。但民间却流传甚少。

目前，国外对此术颇为重视，把此术不仅用于军事、政治方面，而且用于经济管理，以及市场预测等方面。获得了很多有益的成效。

奇门一术本为我国古代传统文化遗产，但从建国以来，未曾出版发行过单行本。《四库全书》、《古今图书集成》等大型丛书虽已公开出版发行。但此种大型丛书，在国内只有几家大图书馆中有收藏，一般中小图书馆均未能收藏，个人购买就更为困难。为此，我们特从《四库全书》及《古今图书集成》中将《奇门遁甲》加以影印合编为《奇门精粹》一书，以满足研究此术者之用。

编者

一九八八年十月

藝術典第七百七卷

術數部彙考二十一

奇門遁甲 八門吉凶詩尅應斷

開門欲得臨照來奴婢牛羊百日迴財寶進時地戶入興隆宅舍有資財田園招得商音送己酉丑年絕戶來印信子孫多拜受紫衣金帶拜榮回 開門大吉出行四十里內見豬馬逢酒食若治政

私人謀起

開門宜遠行所向通達

開門與乙奇臨己得月精所蔽爲地遁百事吉

開門臨三四宮金尅木也凶

休門最好足錢財牛馬豬羊自送來外口婚姻南上應遷官職位坐京臺定進羽音人產業居家安穩永無災 休門宜修造進取並有所合出五十里見蛇鼠水物吉 休門宜和集萬事 休

門與丁奇臨太陰得星精所蔽爲人遁百事吉

休門臨九宮水尅火也凶

生門臨著土星辰人旺孳牲每稱情子丑年中三七日黃衣捧笏到門庭蠶絲穀帛皆豐足朱紫兒孫守帝廷南上商音田地進子孫祿位至公卿 生門出行六十里見貴人車馬吉 生門宜見

賣人求事皆獲又宜婚姻嫁娶上官吉

生門宜見貴人營造百事吉

生門與丙奇臨戊

得日精所蔽爲天遁百事吉

生門臨一宮土尅水也凶

傷門不可說夫婦又遭巡瘡疾行不得折損血財身天災人枉死經年有病人商音難得好餘事不

堪聞 傷門豎立埋葬上官出行俱不吉只宜捕物索債博戲吉 傷門宜漁獵捕捉盜賊吉

傷門臨二八宮木尅土也大凶

杜門元屬木犯著災損頻亥卯未年月遭官入獄逆生離並死別六畜逐時瘟落樹生膿血禍來及

子孫 杜門出行六十里見惡人宜掩捕斷奸謀如月奇臨主烽火日奇臨主弓弩星奇臨主兩女

人身著青衫此應三奇神也

杜門宜邀遮伏截誅伐凶逆

杜門臨二八宮木尅土也大

凶

景門主血光官符賣田莊非橫多應有兒孫受苦殃外亡並惡死六畜也遭亡生離並死別用者要

提防 景門小利宜上書獻策選士如出行三十里外見赤文大蛇七里有水火失物如起造嫁

娶殺宅長及小口

景門臨七宮火尅金也凶吉門被尅吉事不成

死門之宿是凶星修造逢之禍必侵犯著年年田地退更防人口損財凶 死門宜行刑誅戮用死
送葬若射獵出此門吉遠行起造嫁娶主宅母死新媳亡大凶 死門臨一宮土尅水也大凶

驚門不可論瘟疫死人丁辰年並酉月非橫入門庭 驚門宜博戲捕捉鬪訟吉出行四十里損傷
道路不通四十里見二人爭打則吉如無主驚恐凶 驚門臨三四宮金尅木也大凶

八門反吟

休門加地盤天英 生門加地盤天丙

八門伏吟

上盤天蓬加地盤天英 上盤天丙加地盤天任

九星吉凶詩斷

天蓬水星字子禽居一坎宮

訟庭爭競遇天蓬勝捷威名萬事同春夏用之皆大吉秋冬用此半爲凶嫁娶遠行應少利葬埋修
造亦嫌空須得生門同丙乙用之萬事得昌隆 天蓬時不宜嫁娶移徙鬪爭入室及修宮室

天內土星字子成居二坤宮

授道結交宜內星行方值此最難明出行用事當先退修造安墳發禍刑盜賊驚惶憂小口更宜因事被官嗔縱得奇門從此位求其吉事也虛名 天內時宜授道結交不可嫁娶言訟移徙築室秋冬吉春夏凶

天衝木星字子翹居三震宮

嫁娶安營產女驚出行移徙遇災速修造葬埋皆不利萬般作事且逡巡 天衝時不宜嫁娶移徙入官築室祠祀市賣

天輔木星字子卿居四巽宮

天輔之星遠行良葬埋起造福綿長上官移徙皆吉利喜溢人財萬事昌 天輔時宜請謁通財四時吉嫁娶多子孫入官移徙築室吉

天禽土星字子公居五中宮附二坤居

天禽遠行偏宜利坐賣行商俱稱意投謁貴人兩益懷更兼造葬皆豐遂 天禽時宜遠行商賈投

謁見貴造葬並吉

天心金星字子巽居六乾宮

求仙合藥見天心商途旅福又還新更將遷葬皆宜利萬事逢之福祿深 天心時宜療病合藥不

宜嫁娶入官築室祠祀商賈秋冬吉春夏凶利見君子不利見小人

天柱金星字子申居七兌宮

天柱藏形謹守宜不須達出及營爲萬種所謀皆不遂達行從此見凶危 天柱時不宜入官市賈

惟宜修造嫁娶祭祀

天任土星字子韋居八艮宮

天任吉宿事皆通祭祀求官嫁娶同斷滅羣凶移徙事商賈造葬喜重重 天任時宜祭祀求福斷

滅羣凶四時皆吉又移徙入官祠祀商賈嫁娶吉

天英火星字子威居九離宮

天英之星嫁娶凶遠行移徙不宜逢上官文武皆宜去商賈求財總是空 天英時宜蘊身守道設

教修禮將兵春夏勝嫁娶無子孫移徙上官修營皆吉春夏用之有喜

九星反吟

上盤天蓬加地盤天英 上盤天內加地盤天任

九星伏吟

上盤同地盤 主孝服損人口

三奇六儀吉凶總斷

乙丙丁三奇與開休生三吉門其中各一臨之方爲三奇之靈此時此方百事皆吉

三奇六儀天地之機陰陽逆順至理元微 三奇者乙日丙月丁星也六儀者戊己庚辛壬癸也受

甲者爲儀不受甲者爲奇

時加六甲一開一闔上下交接 時下得甲申爲伏吟也加陽星爲開時百事吉加陰星爲闔時百

事凶

時加六乙往來恍惚與神俱出 時下得乙巳爲日奇凡攻擊行來者逃亡者宜從天上六乙出爲

與日奇相隨恍惚如神人無見者故曰與神俱出六乙爲蓬星又爲天德百事宜利求利得聞喜有移徙入官市賈嫁娶吉若將兵大勝所向獲功人君宜施恩賞不可譴怒行鞭朴之事

時加六丙萬兵莫往王侯之象 時下得丙爲月奇也又爲威火之象火能燦烘伏兵不起凡攻伐宜從天上六丙出與月奇相遇又挾威火此類王侯又丙爲明堂此時用事逢憂不憂聞喜則喜入官得遷商賈有利將兵大勝又丙爲天威宜上號令

時加六丁出入幽冥到老不刑 時下得丁爲星奇又爲玉女宜安葬藏匿之事若隨星奇挾玉女從天上六丁而興入太陰而藏則敵人自不能見也可請謁利娶婦入官商賈百事皆吉無凶若用兵主大勝 六丁爲三奇之靈行來出入宜從天上六丁所臨之方出百事吉利

時加六戊乘龍萬里莫敢呵止 戊爲天武從天上六戊而出挾天武入天門百事皆吉逃走亡命遠行萬里無所拘止又宜發施號令誅惡伐罪圖遠謀大事也

時加六己如神所使出被凶咎 己爲地戶又爲六台宜隱謀私密之事不可表暴露強爲之者必獲凶咎入官嫁娶遠行造作大段用事皆凶只宜市賈將兵必弱

時加六庚抱木而行強有出者必有鬪爭 庚爲天獄出被凌辱市賈無利入官嫁娶百事皆凶將
兵客死主勝

時加六辛行逢死人強有所作殃罰纏身 辛爲天庭不宜遠行訴訟決刑獄嫁娶市賈入官不可
問疾諸事不利將兵主勝客死

時加六壬爲吏所禁強有出入非禍相臨 壬爲天牢不可遠行入官問疾病者進退移徙嫁娶逃
亡百事皆凶此時用事必有仇怨爲吏所呵不可舉兵只宜嚴刑獄平訴訟

時加六癸家人莫視不知六癸出門卽死 癸爲天藏宜求仙遠遁絕迹從天上六癸而出則眾人
莫見不宜市賈入官遷除嫁娶移徙入室問疾病者重又宜揚鞭朴之事

三奇入墓

乙奇臨二宮木歸未也丙丁臨六宮火歸戌也 乙奇未時及坤上木入墓丙丁戌時及乾上火入
墓縱吉宿臨門不可舉百事

六丙悖格

天上六丙加年月日時干並直符皆名悖不可用事主紊亂

六甲總斷

甲子甲午爲仲甲不可出入利逃亡

甲辰甲戌爲季甲百事吉

甲寅甲申爲孟甲宜守家不可出入凶 今日是甲直符與時皆是甲名爲三甲合吉

甲戌甲午乙奇臨之甲子甲申丙奇臨之甲辰甲寅丁奇臨之亦名曰三奇得使

直符總斷

甲加丙名青龍反首造舉百事皆吉若得奇門則出行最良

丙加甲名飛鳥跌穴利爲百事

六癸亦爲九地之下逃亡絕迹從天上六癸所臨之方出入無人見者

直符以甲子臨三宮子刑卯也甲戌臨二宮戌刑未也甲申臨八宮申刑寅也甲午臨九宮午自刑也甲辰臨三宮辰自刑也甲寅臨四宮寅刑巳也六儀擊刑皆凶

庚加丙名太白入火位 丙加庚名熒惑入太白百事凶

乙加辛名青龍逃走 辛加乙名白虎猖狂 丁加癸名朱雀入江 癸加丁名騰蛇夭矯此時忌
爲百事

庚加太歲之幹名歲格 加月建之幹名月格 加本日之幹名日格 加本時之幹名時格亦名
伏吟百事不可用

庚加直符名伏宮格 直符加庚名飛宮格百事凶

庚加日幹名伏干格 日幹加庚名飛干格凶

庚加癸名大格不可舉百事 加己名刑格 時下得癸名天網四張不可造百事

直符反吟

上盤甲子加下盤甲午 上盤甲戌加下盤甲辰 遇奇門蓋之不至凶害不然災禍立至

直符伏吟

上盤甲子加地盤甲子 六儀准此

三遁

天遁 上盤六丙 中盤生門 下盤六丁宜求財

地遁 上盤六乙 中盤開門 下盤六己宜求財

人遁 上盤六丁 中盤休門 下盤六丙宜求財

天輔時

三元經曰天輔之時有罪無疑斧鑕在前天猶救之 甲己之日己巳時乙庚之日甲申時丙辛之日甲午時丁壬之日甲辰時戊癸之日甲寅時是天輔之時也凡此之時有罪皆能釋

五不遇時

六甲地丁之時陽星加之爲開陰星加之爲闔此時移徙嫁娶不可行譴怒鞭朴之事行人不來日中利遠行以甲日午時爲庚午時 乙日爲辛巳 丙日壬辰 丁日癸卯 戊日甲寅 己日乙丑 庚日丙子 辛日丁亥 壬日戊申 癸日己未 皆時干尅日干下尅時干損其明名五不遇時縱得奇門吉不可作百事

遊三避五時

三爲生氣利爲百事故曰遊三如甲己日用丙寅時之類 五爲害氣百事皆凶故曰避五如甲己日用戊辰時之類

時干入墓

乙未時乙奇入墓乙爲木木墓在未也 丙戌時月奇入墓丙爲火火墓在戌也亦名三奇入墓皆凶不可舉百事

玉女守門時

庚午己卯戊子丁酉丙午乙卯三奇遊六儀之上名玉女守門時利宮庭宴樂之事

五陽時吉凶斷

甲乙丙丁戊爲五陽時利爲客宜先舉兵揚旗鳴鼓耀武揚威以期決勝五陽爲喜神治事可以出軍征伐遠行求利立國邑安社稷紀大義臨武事入官嫁娶造舉百事吉逃亡者不可得

五陰時吉凶斷

己庚辛壬癸爲五陰時利爲主宜後舉兵伏旗銜枚待敵後動以期決勝五陰爲惡神治事不可張揚凡拜官移徙婚姻遠行造舉百事皆不可宜爲密謀籌策禱祝求福逃亡者可得

十千人君所利時

甲爲天福 此時人君宜行恩施惠進有德賞有功

乙爲蓬星 此時人君宜施恩賞德斂恤無告

丙爲明堂 此時人君宜發號施令以彰天威

丁爲太陰 此時人君宜安靜居處無使煩擾不可行威怒譴謫事

戊爲天武 此時人君宜發號施令行誅戮

己爲明堂 此時人君宜發明舊事修封疆理城郭

庚爲天獄 此時人君宜決斷刑獄誅戮奸邪

辛爲天庭 此時人君宜正刑法奮怒制罪囚不可爲吉事

壬爲天牢 此時人君宜平訴訟決刑獄不可爲吉事